

急救良方卷之二

四明芝園主人集

痢瀉第二十七 益都堯岡山人校

治痢瀉初起即以細茶生姜各三錢水二鍾煎至八
分服之重者各五錢煎服即止不愈再服治赤
白痢用薺菜根葉燒灰湯調下極妙治熱痢不
止用蝦蟆衣草葉搗汁一盞入蜜半盞煎溫分二
服或用蝦蟆衣草子炒香熟為末米飲調下治
諸痢以艾葉陳皮煎湯服治腸滑久痢以石榴
劈破炭簇燒令煙盡急取出不令作白灰用碗蓋
地上一宿為末以酸石榴一片水一鍾煎湯服二

錢亦治泄瀉 治白痢腹痛用雜草燒麩綉五錢

為末熱酒調食前服 治血痢用鹽梅去核研一

枚合茶湯加醋服之 又方嬰粟花未開時外有

兩片青葉包之花開即落地收取陰乾患赤白痢

垂死者研為細末米飲調下一錢神效 治禁口

痢湯飲米穀不下者用蓮子去殼留紅皮及心為細末用

井花水調下每服二錢或三錢日進二服見效

又方累試累驗用黃連三錢人參一錢五分水一鍾半煎

至七分溫服藥入口即甦 又方名芎粟散用川

芎 嬰粟去蒂各一兩共為細末每服八分空心蜜湯

調下 又方用蓮肉去皮炒為末每服一錢空心

米飲調下 治休息痢及疳瀉用鷄子一枚打破

用黃蠟一塊如指大鎔化以鷄子拌和炒熟空心

食之

治泄瀉用五倍子為末白湯調服 又方用生姜二

塊艾葉一把水煎服 治暴瀉不止小便不通用

車前子炒為末每服二錢米飲調下其根葉亦可

搗汁服 治水瀉用獾豬肚一枚淨洗去脂膜入

大蒜在內自晨至晚以肚蒜糜爛為度杵成膏子

入平胃散同杵丸如梧桐子大每服三十九鹽湯

或米湯空心服 又方用生姜一塊去皮破作兩片刮去姜心納白礬塞滿以紙包火中煨令乾熟取出以盞合地下一宿出火氣却以百沸湯半鍾冷水半鍾相和謂之陰陽水將姜細嚼此水送下 又方以大蒜搗爛貼臍下并脚心立止 又方用槐花一合炒熟為末米飲下

面第二十八

治面黑痣用江米十粒半夏五分共為細末用水調成膏子少許用鑽尖挑在黑痣頭上待乾剝去黑皮如有黑再照前點如無再不必點 又方用黃

瓜剖開去穰入皮硝於瓜內填滿外以繩密縛固懸於無日風吹之處下以盆盛之瓜內水流入盆內塗於痣上或以新磁碗盤角鋒略去痣上浮皮以前水塗之皆効 治雀子斑用霜梅肉 櫻桃枝 豬牙皂角 紫背浮萍各等分 研為細末如常洗面其斑自去 治面上瘡用好白芷一味為末好酒調塗瘡上待乾以井水潤濕之掃去再塗新者連易三四次即愈

眼第二十九

治眼目赤腫翳痛用鯉魚膽點之亦治雀盲 治兩

目暴赤用長流水煎鹽湯二碗飲後以鷄翎於咽喉中探引吐之又以草莖於鼻中探出血即愈

治赤眼用甘草水磨明礬傳眼胞上痛即止 治

風赤眼用蚯蚓十條炙乾搗為末臨臥時以冷茶

調下二錢 又方用蝦蟆衣草洗淨搗爛攤向眼

上帛繫之頃時即差 治赤眼疼痛用薺菜根搗

汁點眼中 又方用冬青葉洗淨入鹽少許濃煎

乘熱洗之 又方以自己小便洗眼効 又方用

水浸黑豆至夜連皮研細盪眼上睡或用豆腐貼

睡亦佳 治小兒赤眼用苦連為末水調貼脚心

赤眼自退 治眼腫痛用生姜自然汁調飛過白

礬貼眼胞痛即止 又方用青鹽火煨以碗合地

上出火氣研細每用半錢熱湯一盞泡溫洗爛眼

及拳毛倒睫效 治冷淚目昏用乾姜肥者為末

每用一字沸湯點洗或用貝母一枚膩白者胡椒

七粒為末點之 治眼痒多因布巾拭破眼眵致

成爛眩風不得乾好用白礬一兩銅青一兩同研

細和勻每用半錢熱湯半盞泡澄清以手蘸開眼

如法洗必澁不可拭乾但閉目坐得澁止自開眼

如藥冷將紙蓋盞面於湯瓶上頓溫又洗一日洗

四五次 治眼翳膜久年不散每日三次以舌舐其膜漸漸下緣人真氣使然 治眼生花及翳用刀刮指甲細屑和乳汁點翳上即退 治眼青盲以豬膽五枚取汁於銅器中慢火煎令可丸即丸如黍米大納眼中驗 治眼中努肉用杏仁十四枚去皮尖生嚼吐於手心乘暖以綿纏筋頭點努肉上不過三四度即差 治諸眼疾夜含蘿蔔一片數次易之收諸毒氣 又方用野菊花作枕頭能明目 又方用羊膽一枚入蜜一錢在內線扎砂鍋內滿入水煮熟冷水內浸取出候乾傾入甕

罐內以筋點眼四角効 治時行害眼并風眼有淚者用皮硝六錢水一鍾煎七分候冷定洗眼每日洗數次眼如童子明每一月煎一遍 治物入眼中用好墨清水研筋點即出 又方飛絲入眼用新筆於眼內運攪即收在筆上

耳第三十

治耳聾用鼠膽汁滴入耳中 又方用樓子蔥尖插耳中 又方用九節菖蒲末草麻子為膏綿裏塞耳中 又方用蚯蚓三條鹽少許貯在蔥葉中自化為水滴入耳中三五日即差 又方用草麻子

五十箇去皮與熟棗一枚同搗更入乳汁丸如棗核大每用一丸綿裹納於聾耳內覺熱為度一日一換如藥難丸日中曬少時 又方口嚼甘草一枚耳中塞二塊立効 治耳痛用鱧魚血數點入耳內便愈 又方用白鹽炒熱重綿包熨 又方用杏仁炒焦研細以綿裹塞耳 治底耳以枯白礬為末填耳中立効 治停耳膿血不止用白礬燒灰吹入耳或以蚯蚓乾為末吹入耳 又方用青橘皮燒灰研細為末用綿裹塞耳日換三四次 治耳瘡腫痛用五倍子為末水調塗如有水乾

糝之 治百虫入耳用兩刀於耳邊相磨戛作聲即出 又方用瓮器於耳邊敲作聲即出 又方用麻油灌之即出 又方用桃葉按細塞耳自出或以藍青研汁滴耳中 又方用蔥涕灌耳中虫即出亦治耳聾 治蛇蝎入耳用猫尿灌耳立出取猫尿用盆盛猫以生姜擦牙 治蒼蠅入耳用皂角子研爛用生鱧魚血灌耳中 治蟻子入耳用豬精肉一指火炙令香置耳孔邊即出 治蜈蚣入耳用生姜汁或韭汁灌耳自出或以熟鷄肉一塊置耳孔邊自出 治物入耳中不可出以麻

繩剪一頭散溶牛膠在上探入耳中使其物粘之徐徐引出効 水入耳中薄荷汁點之効 治黃豆入耳中用鴛翎管截長一二寸許去其中膜留少許於一頭以有膜之頭入耳中口氣吸即出

口第三十一

治口瘡用白礬一兩鐵杓內火熬汁乾黃丹一兩炒紅色放下紫色為末擦瘡 又方用宿砂火煨為末擦瘡上或用蓮花片貼之効 又方用乾姜黃連各等分為末擦之吐出涎水立効 又方用生薑自然汁漱口數次涎出効 又方用吳茱萸

為末醋調塗足心効最宜小兒口瘡不肯服藥者一貼而愈 又方以白礬為末湯化濯足或以五倍子為末擦之 治口唇生瘡取陳壁上土細研傅之 治口唇緊小不能開合不能飲食不治即死用白布作燈炷如指大安斧刀上燃燒令刀上汗出拭取傅唇上日二三度或用舊青布燒灰酒調服或和豬脂塗傅又以蛇蛻燒灰先拭淨傅之又以蟻螬虫燒灰豬脂調傅又燒亂髮蜂房六畜毛灰用豬脂調傅又馬齒莧煮汁洗之 治唇緊燥裂生瘡用橄欖不拘多少燒灰豬脂和塗患處

舌第三十二

治舌強腫如豬胞以針刺舌下兩邊大脉血出即消
勿刺着中央脉令人血不止則以火燒銅筋烙之
或以雜草燒鑊綉醋調傳舌上下脫去再傳酒更
而消此患人多不識失治則死凡舌腫舌下必有
虫狀如螻蛄臥蚕有頭有尾頭小白可燒鐵釘烙
頭上即消 又方用鉚針磨令極尖輕刺之日刺
八九次血出盡痛減腫消 治舌忽脹出口外用
雄鷄冠刺血以盞盛浸舌就嚥下即縮 治重舌
用綉鎖燒紅打下鐵綉為末水調一盞噙之 又

方用甯中心對鍋底土酒調塗舌上用黃丹如豆
大安舌下 治舌無故出血以炒槐花為末糝之
愈 又方用亂髮燒灰水調一錢服 治飲酒過
多咽喉爛舌生瘡用水中田螺蚌肉以蔥豉姜椒
煮汁飲三盞効

牙第三十三

治牙疼用白楊樹皮為末每服三錢熱酒調含之漱
灌或以枯白礬熱水嗽之 又方用蜂房一枚以
盞盛乳內以火燒研末擦牙痛處鹽水漱口之
又方用蝦蟆頭上白汁塗綿上陰乾以米粒許塞

牙縫牙根腫者須針刺出血 又方用紅豆研少許吹鼻中 又方用野苳芩略撚動塞鼻中 又方用霜殺老絲瓜燒存性為末擦痛處立止 又方用蛀竹屑陳皮各一兩烏梅肉研如泥傅疼處 又方用肥皂一箇去穰內入山賴茸松各三分花椒鹽不拘多少以塞肥皂滿為度外用麪包裹煉紅取出研為細末每日擦漱風虫牙痛俱止 又方治牙風痛用豬牙皂角一箇於門檻上砍作兩截以酸醋一盞煎滾候溫漱之神效 治虫蛀牙痛用韭菜連根淨洗州搗同人家地板上泥和

勻納痛處蛀孔內又將紙貼痛處腮上二時取下細細虫見於泥上可除病根 又方治虫牙痛不可忍名一笑散用目椒為末以巴豆一粒研成膏飯丸如蛀孔大綿裹安於蛀孔內昔有樂清子患此號呼之聲徹于四隣諸藥不效用此愈 治牙熱癰腫痛出血用柳枝扎碎二碗槐枝扎碎二碗鹽一碗加青鹽二兩井水八碗鍋內煎乾炒燥碾為細末擦上 又方用旱蓮草搗汁和鹽煎成餅又碾為細末每日擦漱服之 又方治齒斷出血用白礬一兩燒研為末每用半錢傅齒根下齒中

出血煎淡竹葉湯頻漱之 又方用當歸極大者
一根去頭尾入竹筒內周圍用白鹽填實用紙塞
口炭火燒存性為末擦牙洗眼津嚥下又烏鬚髮
又方以瀝青研細擦牙堅牢

損傷第三十四

治刀斧傷用石灰包裹定痛止血立差 又方用五
月五日採露草一百種陰乾燒作灰與石灰等分
以井花水和丸燒白刮傅瘡上止血生肌 又方
用葵葉燒灰或乾葉為末皆可傅 又方用琥珀
屑傅之止血生肌瘡口即合 又方用蠟黃及足

中肉熬末內瘡石中筋斷亦可續 又方用晚蚕蛾
為末糝上白絹裹止血生肌隨手瘡合 又方用
大黃石灰等分為末一傅即効或炒為粉紅色傅
又方用桑柴灰傅 又方用白芍藥一兩炒黃
為末酒調二錢服或米飲調亦止痛 又方用棗
豆粉新鐵銑內炒紫色用新汲井水調稀厚勻傅
損處貼以紙將杉木片縛立効 治打撲有傷瘀
血流注用半夏為末調傅傷處一宿不見痕効
治瘀血流注紫黑或傷眼上紫黑用大黃為末以
姜汁調傅一夜一次上藥一宿黑者紫二宿紫者

白矣 治從高墜下及墜馬傷損取淨土和醋蒸
熱布裹熨之斯瀆痛止 治癩瘡有傷口嚼燈心
罨之血即止或用冬青葉曬乾為末糝傷處或細
嚼傅上或用姜汁和酒等分拌生麩貼之或以桑
根白皮搗汁擦之或用霜梅搥碎罨瘡口免破傷
風 治破傷風用病人耳中膜并爪甲上刮末唾
調傅瘡上立効 治破傷風牙關口緊四肢強直
用鷲鷲頭連尾燒作灰研以臘豬脂調傅 治破
傷風浮腫用蟬蛻為末蔥涎調傅破處即時去惡
水立効或用魚膠一錢溶化封之又酒服一錢

癰疽疔毒第二十五

治癰疽發背惡瘡腫毒初生及毒蛇風犬所傷用大
蒜切片子如錢厚安腫上以艾灸之蒜熟更換新
者初灸覺痛灸至不痛即止初灸不痛灸至極痛
乃止 又方治發背用榆樹一名田柳樹根皮切碎清
水泡洗搗極爛和香油徧敷患處只留瘡頭出氣
若藥乾拘急用苦茶濕潤藥不粘更換新者將愈
用桑葉嚼斷筋隨大小貼患處漸收漸小口合乃
止神効 又方治癰疽發背用大薊根俗謂之野
紅花其葉
似苦蕒但其葉出尖處
有針刺四五月間開花不拘多少淨洗切碎研如

膏塗疔瘡上其冷如水初發者能消散已成者速潰
又方用牛皮膠二兩酒二升同煮候牛皮膠溶
化放溫令病者徐徐飲盡如未結成即消已結成
即易潰已潰即易差如未効再服必効矣 治癰
疽不消已成膿不得破用蚕繭出過蛾兒空殼一
箇燒灰酒調服即穿 又方治腫毒未破用蝦蟆
一箇先炒石灰後用蝦蟆剝碎和炒灰研如泥用
帛攤上貼患處自破 治一切癰疽及婦人乳癰
初發時用鷺鷥藤搥碎不犯鐵器大甘草節一兩
各生用水二碗慢火煎一碗入無灰酒一大碗再

煎十數沸去渣分三次溫服如無生者用乾者終
力淺更取生葉一把搗爛入酒少許調稀稠得所
傅瘡四面中心留一口泄毒氣大有神効 又方
以黃蜀葵花用鹽糝放入磁器內密封經年不壞
每用傅患處無花根葉皆可 又方治癰疽發背
初發腫作便以紙一片水浸濕搭腫上視其上一
點先乾者即是正頂先以水和麪作圈安於正頂
上却用大馬蜞一條一名馬黃安於中頰以冷水灌之
馬蜞當吮其穴膿血出毒即散如毒大蜞小須用
三四條方見功若吮着正穴蜞必死用水救活其

瘡即愈累試奇効血不止以藕節研爛塗止之茅
草花亦好 又方治癰疽發背瘰癧疔瘡漏瘡衛
護心膜驅解諸毒自然內消用徹明礬生用二兩
為末黃蠟一兩二錢溶汁就爐上入礬拌和衆手
丸如梧桐子大每服十五丸溫水或冷酒常服之
或以枯白礬炒鹽等分細研每服一錢新水調瘡
未回再服瘡回覺痛即止漏瘡用鷄肫內黃皮為
末塞孔 治附骨疽久不差膿汁敗壞或骨從瘡
孔出用大蝦蟆一箇切碎亂頭髮一握如鷄子大
豬油四兩以豬油煎前藥濾去渣如膏先以桑根

皮烏豆煎湯洗拭乾煨龍骨末糝瘡四畔令易收
斂却用膏貼之 治坐馬癰用紡車絃辦繩紡之
者燒灰傅 治便癰用皂角不蛀者燒過陰乾為
末酒調服或用皂莢子十粒水服之又用皂莢炒
焦小粉炒等分和勻以熱醋調仍以紙攤貼患處
頻頻水潤之効 又方用胡桃仁七箇燒過陰乾
為末酒調服之不過三服或用生蜜米粉調服休
吃飯利小便効 治男子陰頭癰用鷺甲為末鷄
子清調傅
治疔瘡用蒼耳子根梗苗但取一色燒灰和醋澱如

泥塗乾再換上不過十次即拔出根 又方用生
蜜與隔年葱一處研成膏先將瘡周圍以竹錐刺
破然後用藥於瘡上攤之用緋帛蓋覆如人行二
十里覺疔出然後以熱醋湯洗之 又方用白梅
肉荔枝肉同搗成膏捻作餅子依瘡大小安上根
即出 又方治疔瘡垂死者用其菊花葉一把搗
汁一盞入口即活冬月用根此方神効 又方用
蟬蛻姜蚕為末酸醋調塗四畔留瘡口根出稍長
然後拔去再用藥塗瘡上 又方取蟾酥以白麩
黃丹搜作劑丸如麥粒狀用指甲扯動瘡上插入

重者針破患處以一粒納入仍以水沉膏貼之取
蟾酥即蝦蟇法用癩蛇蚋即蝦蟇於眉刺破把手按出酥於
油紙上或桑葉上然後挿在背陰經宿則自乾白
於鴛翎筒內盛之水沉膏法用白芨末半錢水盞
內沉下澄去水却於皮紙上攤開貼瘡上 治魚
臍疔瘡用絲瓜葉連鬚蔥韭菜同入石鉢內搗爛
如泥以酒和服初貼腋下如病在左手貼左腋下
在右手貼右腋下在左足貼左膝在右足貼右膝
在中則貼心臍並用帛包住候向下紅絲皆白則
愈如有潮熱亦用此法却令人抱住恐其顛倒則

難救矣 又方治魚臍瘡頭黑皮破黃水出四畔
浮漿用蛇蛻燒存性細研鷄子清調傳

諸瘡第三十六

治癩癧用草麻子炒熟去皮爛嚼臨睡服三二枚漸
加至十數枚甚効 又方將臘月猫屎用新瓦二
片合在内外用鹽泥封固燒成灰以少油調塗瘡
口上 又方治癩癧已潰未潰用蝸牛不拘多少
以竹絲串尾上曬乾燒存性入輕粉少許猪骨髓
調用紙花量瘡大小貼之一法以帶殼蝸牛七箇
生取肉入丁香七粒於殼內燒存性與肉同研成

膏用紙花貼之 又方用大凹螺并殼肉燒存性
為末破者乾貼未破者清油調傳 又方用不蛀
皂莢不拘多少每三十條作一束以棕櫚裹之縛
定於冷糞缸內浸一月取出却於長流水內再浸
一月死水不能浣洗不可用上 棕櫚曬乾不得焙
搗為末每一兩入麝香半錢全蝎七箇研細拌勻
每服一二錢温酒或飲湯調下 又方用乾姜不
拘多少為末用姜汁打糊和作劑子用黃丹為衣
每日一次隨瘡大小入藥在內追膿盡生肉為度
瘡口合則已如瘡口不斂用大黃末以蔥白汁調

搽即愈仍日服十宣內托散二服如瘡腫不破者
用野菊花搗爛煎溫服仍將菊花根為末貼瘡上
自消或不消瘡口亦自破依前用藥劑 又方以
手仰置肩上微舉肘取之肘骨尖上是穴隨患處
左即灸左右即灸右艾炷如小筋頭大再灸如前
不過三次未無恙所感稍深三灸平安 又方以
蒜片貼着癰上灸七壯如蒜熟易蒜多灸取効
治項後生疔疽不論大小及日月深遠或有赤硬
腫痛用生山藥一挺去皮草麻子二箇研勻攤帛
上貼之如神効

治癰癤克皮膚或頭上生瘤大者如拳小者如粟或
軟或硬不疼不痛者用大南星一枚細研稠粘用
米醋五七滴為膏如無生者用乾者為末醋調如
膏先將小針刺患處令氣透却以藥膏攤紙上象
瘤大小貼之 又方治瘤瘡去鼠妳痔用芫花
根淨洗帶濕不得犯鐵器於木石器中搗取汁用
線一條浸半日或一宿以線繫瘡經宿即落如未
落再換一二次自落後以龍骨訶子末傅瘡口即
合用之累効如無根只用花淘濃水以浸線 又
方用蜘蛛絲勒瘤子根三二日自然退落 治反

花瘤用馬齒莧一斤燒灰研細豬脂調傳

治臙瘡用黃蠟煉攤冬青葉上貼縛定日週又換一

葉至七日換七葉愈 又方用黃蠟鎔化油紙攤

成膏藥十二箇半日一換換時以先貼者加其上

不待盡而愈 又方用韭菜地上蚯蚓泥乾為末

入輕粉清油調傳 又方用白墻土不拘多少火

煨通赤研細生油好粉調塗或用真百藥煎填之

或以五倍子末糝之亦妙 治冷臙瘡用鹿角灰

髮灰乳香為末清油調傳 又方治臙瘡成白累

月不乾用上等好砂糖先用鹽湯淋洗後絹帛拭

乾以津唾塗却以此傳上三日愈 治外臙生瘡

臭穢潰爛數年不愈者用生龜一箇烏者打死去

肉取殼酸醋一碗炙醋盡為度仍煨令白煙盡須

存性碗合地上一宿出火氣入輕粉麝香拌勻先

以蔥湯洗拭乾方用藥敷 治脚脛骨上生瘡久

爛黑或發孔或臭穢不可近用蜒蚰十條小竹簽

穿定瓦上焙乾為末真清油調傳神效 又方用

多年老杉木節燒灰真清油調箬葉盛隔貼瘡上

以絹帛扎定不數貼而愈 治脚肚生瘡初如粟

米漸大爪搔不已成餅包脚相交黃水出痒不可

忍久疾難愈用百藥煎研細津嚥調逐遭塗傳自
外而入先以貫仲煎湯淋洗後用藥 又方用石
榴皮濃煎稍冷掃瘡上冷如冰即成痂 又方用
鱔魚一條黃色者先將打死却用清油塗其腹下
置瘡上盤屈令徧用帛絹繫定食頃覺瘡痛不可
忍然後取鱔魚腹下有竅如針眼大皆虫也如未
盡再用一條依前再縛虫去盡却用死人脚脛骨
燒灰清油調傅或以骨灰一兩入好茶末二錢同
調亦可 又方治足上瘡臭穢潰爛用藍子一枚
燒為末入膩粉少許井水調塗効 又方治臙瘡

手發背等瘡用蔥白一斤石灰二斤馬齒莧
一斤三味濕搗同團陰乾為末貼瘡上効

治一切腫毒初生用苧根蔥頭生姜炒小粉赤豆同

搗碎頓熱罨上冷再換 又方治卒得惡瘡不識

者用桃皮為末納瘡中 又方治腫毒無頭者用

蛇蛻貼於腫處 治惡瘡無頭用皂角刺燒灰陰

乾為末酒調三錢嚼葵菜子三五粒送下 治一

切惡瘡不收口用瓦松不拘多少陰乾為末先用

槐枝蔥白湯洗過糝之立効灸瘡久不收者更効

治諸惡瘡中新努肉出用烏梅肉蜜和搗作餅

子如錢厚貼瘡上 治諸瘡因度水腫者用生白
礬末水調塗之自消 治一切腫毒瘡用臘桑葉
為末以新汲水調塗之如有膿乾糝在上如在脚
膝傳了用帛裹之 治多年惡瘡用冬瓜葉陰乾
瓦上焙研細糝瘡濕處或用多年石灰研細鷄子
清調成塊火煨過候冷再為末姜汁調傳或用枸
杞根為末鹽洗淨乾糝妙 又方用馬齒莧搗爛
傳之亦治翻花瘡其形如花開之狀燒灰豬脂調
傳 又方用鷄腸草研細取汁敷其瘡以渣罨之
或為末以豬脂調傳甚効 又方以天茄葉貼之

或為細末貼亦妙 又方以蒲公英搗如泥貼一
切惡瘡并蛇傷 又方用野葡萄根紅者去粗皮
為末新水調塗腫上頻掃新水 治鬢邊生軟癩
名發鬢者數年不愈者用豬頸上毛貓頸上毛各
一撮燒灰鼠屎一粒為末以清油調傳 治遍身
熱毒瘡痛而不痒手足尤甚粘着衣被夜不得睡
用菖蒲為末多鋪於蓆上使病者恣臥其間仍以
衣被覆之五七日愈疹瘡爛用艾鋪亦可 治遍
身癢疥疼痛用白姜蚕一兩炒黃色為末分四分
酒調服 又方用明礬朴硝為末井水調鷄羽掃

傳上 又方用蚕沙以新水煎無風室內溫洗効
治遍身白疹瘙痒不止用小枸橘不拘多少切
作片麩皮炒黃為末每服二錢酒浸少時去枸橘
但飲酒仍以枸橘煎湯洗患處妙 治三十六種
風結瘡用馬齒莧五斤黃蠟三兩水一鍋煎成膏
傳上 治五般瘡癬用韭根燒存性旋搗末豬脂
調傳 治諸瘡用韭菜不拘多少先燒熱湯以盆
盛上用板蓋之留一竅却以韭菜於湯內泡之以
糞門坐竅上令氣蒸燻候溫用韭菜軟軟洗瘡數
日自下或元花煎洗 治面上生瘡用枇杷葉布

擦去毛彘乾為末食後茶湯調下二錢 又方用
鐵子底黑煤入於小油內以匕打成膏子攤在紙
上貼之 治人面卒得赤黑并如疥狀不急治遍
身即死用鹿角燒灰豬脂和塗上 治腮腫用赤
小豆為末醋調傳之立効 治人面瘡用貝母為
末小蘆筒灌瘡口數日愈 治疥瘡用豬肚二箇
放皂莢同煮熟去皂莢食之妙 又方治善惡瘡
疥或赤腫者用赤小豆四十九粒為末以苧根搗
爛和之傳赤腫處及四傍落則再傳或用赤小豆
剉散每服二錢水一盞煎服尤佳 治火氣入瘡

用黃栢皮為末糝之或薄荷煎塗亦可 治白禿
瘡用慈竹上虫兒不拘多少研用牛尿調搽先洗
剝去瘡壓後上藥 又方用甜瓜蔓龍頭不拘多
少河水浸一宿以砂鍋熬取極苦汁濾去瓜蔓以
火熬成膏盛於磁器中先剝頭去盡瘡痂使血出
盡以河水洗淨却用瓜蔓膏一盞加半夏末二錢
生姜汁二七狗膽一箇同調傅不過二三次立愈
忌豬魚動風之物 又方用羊糞熬湯洗去痂屋
懸煤炒為末油調傅瘡上 又方用破舊硃紅漆
器剝硃漆燒灰油粉調傅 又方用鯽魚一箇重

三四兩者去血腸肚以亂髮填滿濕紙裹燒存性雄
黃二錢共為末清油調傅先以蠶水洗拭後用藥
又方治大人小兒禿瘡及惡瘡用苦楝皮燒灰
以豬脂調傅 治癬用午時取椀葉研汁傅之或
用禿菜酸醋罈傅 又方用銚針磨令極尖快當
痒時於癬上各刺百餘針血出盡煎鹽湯洗之未
愈再針再洗 治狗癬疹用栢油不拘多少鐵器
內熬次下鵝鴨糞雞糞細末同和加香油少許擦
之 治紫白癩風用禿菜根同白礬五倍子無名
異和醋搗碎先以苧麻刮熱以藥擦之三四次絕

根 又方治口紫癩風及諸風瘡癩疹名蒼耳丸
五月五日割取蒼耳草葉洗淨曬乾為末煉蜜丸
如梧桐子大每服十九日三服若身體有風處或
如麻豆粒此為風毒出也可以針刺黃汁出盡乃
止 又方用乾浮萍四兩漢防已三錢同煎湯熱
洗白癩風一切癩疹疥癬神效 治艾火帶用白
鰾泥炒研細香油調傳之 又方雉鷄毛及鴛毛
燒灰傳之 治下部生濕瘡熱痒而痛寒熱大小
便澁食亦減身面微腫用馬齒莧四兩研爛入青
黛一兩再研勻傳上 又方用紅椒開口者七粒

連根蔥白七箇同煮水洗淨用絹衣浥乾即愈
治陰痒汗出疼痛用生大豆嚼碎一日三四次傳
上 治陰瘡用桑樹根白皮搗汁洗之 又方用
臘脂菜豆粉同研勻傳之 又方用臘茶五倍子
等分膩粉少許傳之 治陰囊上生瘡用甘草煎
湯溫洗却用臘茶末傳 治陰頭生瘡用溪港中
螺螄入乾鍋內煨過先以鹽水洗五十次後以此
藥傳之 治如精瘡用大田螺兩箇和殼煨過存
性為末入輕粉搽患處即安 治外腎生瘡用菜
豆粉一分蛭蚓屎二分水研塗乾又傳 治腎臟

風發瘡疥紅腫去目水浸半日和生杏仁研爛擦
兩手掌揜外腎極効 治下疳瘡用白礬二兩黃
丹八錢熬飛此色研為末以溝渠中惡水洗過拭
乾傅上 又方用五倍子為末以漿水洗乾貼之
治漏瘡惡不自大腸出用黑牽牛研細去皮細
末一分入豬腦子內以線扎青荷葉包火煨熟細
嚼溫鹽酒下 治漏瘡肛門周匝有乳數十諸藥
不効用熟犬肉蘸濃藍汁空心食之七日自安
又方用信石並初瓦上火煨為末以津液潤紙探入
蘸少許擦入瘡窟孔內如瘡多不可齊上免使毒入

治久冷漏瘡用活鱖魚五六條擲地以竹針貫
之覆瘡良久常有虫出如線復之使盡用檳榔黃
連末傅明日以乾艾作湯投白礬三二錢洗不一
月全愈 治脫肛用蠶頭一枚燒煙盡為末傅肛
門上就將舊麻鞋底按入即不出 又方用槿樹
葉煎湯燻洗後以生五倍子白礬等分為末傅上

雜方第三十七

治骨鯁用野苧根搗爛丸如龍眼大魚骨鯁魚湯化
下鷄骨鯁鷄湯化下 又方用葳靈仙五錢宿砂
三錢甘草二錢水一鍾煎至四分入口噙漱入喉

呵氣即愈 又方以橄欖食即下無則核搗為末
用流水調下 又方用獺爪於咽喉外爬之即下
又方用穀樹子泡湯嚥下骨自消 又方用金
鳳花子嚼爛嚥下無子用根亦可 又方用葳靈
仙根不拘多少以好米醋浸一二日曬乾為末醋
糊為丸如梧桐子大每服一九或二九半茶半湯
下如要吐用砂糖銅青為末半匕滴油一二點同
茶湯調服即吐出原物如藥性來遲令患人兩手
伏地用清水一盆以鷺翎口中攪探即吐 又方
治魚骨鯁用砂糖白炭皮末紫蘇葉滑石末和丸
含口中津液嚥下骨自隨下 又方用宿砂茸草
等分為末以綿裹少許嚥之旋旋嚥津久之隨痰
吐出 又方治獸骨鯁用象牙梳磨水嚥下或以
桑木上虫屑末醋煎灌漱自下 又方用皂角末
吹入鼻中令涕出

治誤吞針類用木炭燒紅急搗灰米湯調下三兩盃
或用熟艾煮濃汁飲便解 又方治吞針并釣子
魚骨雜物須多食諸般肥食自然裹出若吞稻麥
芒於咽喉間急取鷺口涎水嚥之 治誤吞竹木
不得出用舊鋸子燒赤投酒中熱飲 治誤吞金

銀或銅錢入腹用石灰一杏核大硫黃一皂角子
大同研末酒調服 又方用肥豬肉與葵菜作羹
食數頓則銅鐵自然下 又方誤吞銅錢用桑柴
灰細研米飲調下二錢或用菘豆粉冷水調下三
錢或茨菰取汁呷或濃煎艾湯飲或多服飴糖立
効 治針刺折在肉中用瓜萋根搗爛傳上一日
換三次自出 又方用車脂攤紙上如錢許貼上
二日一換三五次其針自出 車脂即車軸
頭上油膩也 治竹
木簽刺入肉用牛膝草根嚼罨之即出 又方以
象牙屑傳之或以白梅肉傳之立効 又方用羊

糞為末水調塗刺上候疼搔之刺自出或嚼栗子
傳之亦妙

治手指甲頭腫用烏梅槌碎去核肉只取仁研米醋
調入潰之自愈 治脚指縫爛用鴛掌黃皮燒存
性為末糝之 治指縫搔痒成瘡有竅出血不止
用多年糞桶箍蔑燒灰傳 治脚汗出用白礬乾
葛煎湯洗効 治遠行脚上打損用雜草燒鑊綉
和飯粘研成膏貼之用紙封上若打泡用油線穿
過兩頭剪斷亦用鑊綉飯粘貼之 治遠行脚心
腫痛用蚯蚓泥傳腫處高閣起脚一夕即愈

治杖瘡用黍米燒灰和油塗止痛不作癩黍米不可
與小兒食不能行緩人筋骨令人好睡亦不得和
牛肉食生寸白虫 又方杖畢飲童便和酒免血
攻心用熱豆腐鋪在杖紫去處其氣如蒸其腐即
紫復以熱豆腐鋪之以紫肉散盡淡紅為度 又
方用五倍子去瓢米醋浸一日慢火炒黃為末乾
糝不破腫痛者以醋調傅 又方用雄黃二分無
名異一分細研水傅極妙 又方用水粉一兩赤
石脂一錢生用水銀一分以麻油杵成膏攤傘紙
上貼之緊縛如凶陷者用此膏填滿然後貼上立

効 又方若腫痛用大黃黃連黃蘗黃芩各三錢
乳香沒藥各一錢別研腦子少許為末冷水調勻
攤緋絹上貼之 又方若瘡熱毒疼痛用黃丹一

兩蜜陀僧半兩輕粉一錢半麝香半錢龍腦一字
為末糝瘡上以青帛蒙之中留一竅 又方用蚕
出繭殼燒灰存性為末每服三錢酒調下甚妙

治湯盪火燒用多年廟上獸頭為末小油調傅之効

又方用桐油塗上或土硃磨傅之 又方水調
銀硃傅之 又方用麻油浸黃蜀葵花傅之 又
方用掃豬毛燒灰香油擦患處 又方用螺螄殼

多年乾白者火煨過為末如瘡破乾糝如不破清油調傅 又方用鷄子煮熟去白用黃於鍋內熬油出冷傅之 又方用山梔子濃調鷄子清以鷄毛輕拂上 又方用側栢葉燒存性為末鷄子清調傅 又方用醋甕泥傅之或以生栢葉搗爛傅或用乾桑葉為末乾者蜜調傅濕者乾糝或用鹽糝上用手按之或以豆醬塗之 又方治向火多生灸斑瘡有汁用黃栢薄荷葉為末糝之

治凍瘡用茄根濃煎湯沸洗以雀兒腦髓塗之 又方用鷺掌黃少焙乾燒灰存性為末濕則糝之

又方手足凍裂用白芨不拘多少為末調傅裂處 又方用五倍子為末同牛骨髓填縫內即安

又方用頭髮一大握桐油一碗於瓦器內熬候油沸頭髮溶爛出火攤以瓦器收貯不令灰入每用百沸湯泡洗皸裂令軟拭乾傅之即安一方加水粉 治冬月手足開裂用清油半兩以慢火煎沸入黃蠟一塊同煎候溶入光粉五倍子末少許熬令稠紫色為度先以熱湯洗火上烘乾即用藥傅薄紙貼之 又方用五倍子為末和牛鼻繩末填縫內即自愈 又方治手足開裂經春夏不愈者

用生姜汁紅糟鹽同臘月豬膏研爛熱擦入靴內
一時雖痛少頃便軟較合再用即安 又方用瀝
青二兩黃蠟一兩共熱攪勻瓦罐盛貯先以熱湯
洗令皮軟拭乾將藥於慢火炙溶傅之

治酒瘡鼻用白鹽常擦為妙 治鼻瘡用杏仁研乳
汁和傅或以烏牛耳垢傅 治癩子痛痒用淨水
搗楊柳青蒿汁調蛤粉傅雪水尤妙 治漆毒成
瘡用磨鐵槽中泥塗之或以蠟黃塗之愈 治癩
痕出靨用桑柴灰汁熬成膏草莖刺破以新水沃
之忌油膩等物 治蛙榦瘡用黑油傘紙燒灰合

地上一宿出火氣傅瘡上便結靨効

婦人第三十八

治婦人月水不通用鼠屎燒灰一錢為末熱酒調下

治婦人血氣不行上氣衝心用絲瓜蒂一箇燒

灰空心酒調每服一箇 治婦人血崩用槐角燒

灰為末每服一錢酒調下効 又方用蚕沙不拘

多少為末每服五錢熱酒調服 又方治婦人血

崩不止用槐花二兩棕毛燒灰五錢水煎入鹽少

許空心服或以烏梅燒灰烏梅湯下 又方用蓮

蓬殼燒存性酒服方寸匕 又方用血竭草為末

姜酒調服一服而愈。治婦人赤白帶下，用酸石榴五枚連
地上。又方用鹽海七箇燒為末，空心米飲服。
又方用陳槐花一兩，雜草燒鑊，綉半兩為末，燒紅
秤錘淬酒下。又方治血崩不止，用白區豆花焙
乾為末，紫者不用，炒米煑湯入炒鹽少許，空心數
服即効。又方用棕櫚皮絲、瓜蒂燒灰等分為末，
鹽酒或鹽湯下効。又方治赤白帶下，用野紅花取根
洗淨研汁半盞，以溫酒半盞和服立止。治婦人
白帶下，用好酒同艾葉不拘多少，煮雞卵熟，空心
只食雞卵。治婦人赤白帶下，用酸石榴五枚連

皮搗攪汁，每服半盞，空心下。又方用石榴東引
根二把煮汁服。治婦人六十二種風及腹中血
氣刺痛，用紅花二兩，酒二盞煎八分，溫服。治婦
人血風攻腦，旋倒地不知人事，用蒼耳草心不拘
多少，陰乾為末，不時姜湯服一錢効。治婦人臍
燥悲傷，欲哭象鬼神所附者，用小麥一升，甘草二
兩大棗五兩，每服一兩水二盞煎一盞服。治婦
人自哭自笑，用紅棗燒存性，米飲調下。治婦人
乳癰，用赤小豆三合，酒研爛去渣，溫服，留渣傳患
處。又方治乳癰爛見心者，用貓兒腹下毛乾鍋

內煨存性為末乾糝或清油調入輕粉少許傳之
又方用皂莢刺燒灰和海蛤粉為末熱酒調下
搽散亦可 又方用銀杏半斤四兩用酒研服四
兩水研傳癰上 又方用黃瓜萋一二箇連皮穰
子切碎以無灰酒一碗於瓶內煮半碗去渣時時
溫服酒盡再煮服初時便服此藥即時痛止更不
成瘡如已成瘡服之其瘡自穿而痛止 又方治
乳上纔覺硬腫作痛以蔥早熨之其法用樣闊口
瓶以炭火入瓶內上以熱灰填滿瓶口用蔥葉及
蔥白搥損令徧覆瓶口以手帕裹瓶倒執將瓶口

向腫處任意輕輕熨之有驗 又方治乳癰將潰

以小長罐燒紙錢在內急以罐口安乳上盡吸其

毒氣 治婦人吹乳極効用百齒霜即木梳上不

拘多少用無根水為丸即中桶反瀝如鷄頭大日

服二三丸倒流水吞之服後令病人左乳者左臥

右乳者右臥於無風溫熱處臥汗出効取創流水

水傾屋又方以橘皮燒灰存性食後熱酒調下

二錢 治婦人乳硬作痛用嫩桑葉左採研細米

飲調攤紙花貼病處此證四十已下可治五十已

上不可治治之則死不治則得終天年 治婦人

乳頭裂取秋後冷露茄子裂開者陰乾燒存性為末水調傅未秋時但裂開者亦可 治婦人血塊痛用牛膝草根酒煮服効 治婦人癖塊用小便服之每日溫服一盞至二十日血片下即差 又方醋煎大黃生者服之甚効 治孕婦咳嗽用貝母去心麩皮炒令黃去麩皮為末研砂糖拌勻丸如鷄頭大含化一丸神効 治婦人胎漏用蔥白一把濃煮汁飲之甚効 治婦人胎漏下血手足厥冷欲死用生艾汁二盞牛皮膠白蜜各二兩煎一盞半稍熱服之無生艾濃煎乾艾一方加刮下

竹青一大把同煎 治婦人因爭鬪或跌撲從高墜下或為重物所壓觸動胎氣腹痛下血服此後覺胎動極熱胎氣已安用宿砂不拘多少於熨斗內炒令熟透去皮取仁研為末每服二錢熱酒調下不飲酒煎艾鹽湯或米飲下 又方用苧根一把洗淨生姜五片煎調服之効 治孕婦忽腹絞痛用棗子十四枚燒焦為末童便調服 又方用鹽一合燒赤以指撮酒中調服 治孕婦兒在腹中哭用多年空屋下鼠穴中土一塊令孕婦噙之即住一方川黃連煎汁令母呷之 治婦人胎

前產後赤白痢用敗龜板一箇醋炙搗為末米飲

調下 又方用生姜自然汁年少者十兩 老者二十兩鴨子二

箇打碎入姜汁內攪勻煎至八分入蒲黃三錢煎

五七沸空心溫服効 又方治懷胎下赤白痢絞

刺疼痛用鷄子一箇烏者尤妙梢頭作一竅子傾

出青者留黃在內黃丹一錢入前鷄子殼內打令

相勻以厚紙裹黃泥固住火上炙熟焙乾為末每

服二錢米飲調下一服愈者是男兩服愈者是女

奇効 治婦人難產或橫生或孕婦下血或脹滿

用鐵秤錘燒赤投酒中飲之 又方治難產用清

油一盞六一盞對和用銀簪打和飲之 又方用

鳳仙子二錢研碎水下 又方用黃蜀葵子二錢

同鳳仙子並服 又方用黃蜀葵子七十粒搗碎

酒調服 又方用蚕蛻紙半張燒灰白湯調下

又方用香白芷雜草燒鑊綉各等分為末每服二

錢童便米醋各半呷沸湯洗入六七分點眼見効

甚速再服即分娩矣或用蜀葵子四十九粒白滑

石末三錢順流水煎湯調空心二服如人行五里

即下 又方治生產五七日不下垂死者及矮石

女交骨用川芎當歸各一兩自死乾龜殼一箇酥

灸黃男女頭髮一握燒存性共為末每服三錢水
半鍾煎服約人行五里生胎死胎俱下無自死龜
殼用鑽過廢殼亦可 又方應急催生用清油同
蜜等分少許湯調頓服 又蜀葵子炒為末順流
水溫暖調服亦下死胎又好京墨新汲水濃磨服
之墨水裏覓出効又敗筆頭二箇燒灰以藕節研
自然汁溫酒調下効又產婦坐草時取路傍草鞋
一隻用鼻絡小耳繩燒灰溫酒調服如得左足者
男右足者女覆者兒死側者兒驚催生極驗 又
方催生用革麻子研備產婦手足心產後速拭去

或以兩手各執一枚立卜 又方治難產久氣力
乏不能生無惡露盡出乾不能產者用赤小豆二
升以水九升煮熟取汁入泡過明阿膠一兩同煎
少時一服如未効再服不過三四服即產 治婦
人逆生倒產用革麻子三十粒研爛婦人頂上剃
去髮少塗之須臾覺腹中提正便刮去却於脚心
塗之自然順生 又方治逆生須臾不救母子俱
亡用蛇蛻一條蟬蛻十四箇頭髮一握並燒為灰
每服二錢溫酒調併進二服仰臥霎時兒即順生
又方用小絹針於兒脚心刺三五七刺用鹽少

許擦刺處即時順生母子俱活 又方用槐子二
七粒井花水吞下 又方治橫逆不順手足先出
或子死腹中用竈中心對鍋底土細研每服一錢
酒調下兒頭戴出妙更用捺產母臍中亦妙或用
兔絲子末車前子米酒調下 又方治橫生逆產
諸藥不救但灸右脚小指尖頭二壯艾壯如小麥
大下火立產 治子死腹中口中屎臭舌青口出
冷氣指甲青用瓜萋根為末逆流水調五錢服
又方用竈中心對鍋底土三錢水調下又治產後
惡物不下上攻心痛 又方先用平胃散一貼作

兩服每服酒水各一鍾同煎至一鍾却投朴硝半
兩研細再煎三五沸傾出候微溫服盡其胎即化
血水而下 又方下死胎用麝香半錢另研官桂
末三錢和勻作一服溫酒調下須臾如手推下未
効再服 又方治子死胎不下胞破不生用鬼臼
不拘多少黃色者去毛研為末細如粉不用羅以
指擦之每服二錢用無灰酒一盞同煎至八分通
口服立生如神 又方治難產胞衣不下及兒死
腹中欲絕者用白斂半盞各一兩為末酒服一錢
若難產只一服橫生二服倒則三服兒死四服効

治產婦胞衣不下用苧麻子十四粒去殼搗爛以白麪和成膏貼脚心胞衣下速拭洗去如腸出即以此藥塗頂心回腸神效 又方治胎衣不下惡血湊心其證心頭迷悶胎衣上遙衝心須臾不治其母即亡用乾漆五錢大附子一枚用大黃末五錢酒醋熬乾即入前二味為丸如梧桐子大每服三十九淡醋湯吞下須臾又進二服胎衣立下此藥可預先合下 又方用赤小豆一升炒過用水三升煮二升去豆取汁溫服胎衣立下 又方用婦人自己手足垢甲燒灰酒調服須臾又

進一服更令有力婦人抱起將竹筒於心上趕下妙 治產後血暈心悶氣絕腹內惡血不盡絞痛用紅花酒煎服或以藕汁二碗飲之 又方用松烟墨二錢火煨通紅響滅火氣為末半匕溫酒調下京墨亦可 又方用舊漆器燒微烟逼面燻之 又方用韭菜切碎入茶瓶中以老米醋沸熱澆之紙密封瓶口勿令泄氣以瓶小嘴向產婦口鼻燻之立醒 又方用半夏末少許吹入鼻中 治產後下血不止用雜草燒錢二錢為末酒調服 又方用乾艾半兩生姜半兩濃煎湯服 治產

後子腸出不能收者用枳殼去穰三兩煎湯溫浸
良久即入 又方用老鴉酸漿草一把煎湯纔燻
可收一半稍溫下手洗並收而安 治產後惡物
不出上攻心痛用竈中心對鍋底焦土研細酒調
三五錢瀉出惡物立効 治產後泄瀉惡露不下
用大荆芥四五穗於盞內用火燒成灰不得犯油
火入麝香少許研沸湯一二呷調下 治產後腹
脹痛不可忍煮鼠粘根為飲一服愈 治乳婦乳
汁不下用母豬蹄爪一隻帶蔥五莖同鹽酒煮羹
飲之不下再煮飲仍用梳頭木梳於乳上梳下効

又方用土瓜根為末酒調服 又方用胡蜂巢
一箇炒為末酒調服 治胎前產後諸症名濟陰
返魂丹一名益母丸只益母草一味其草即芫蔚
子其葉類火麻對節而生方梗凹面四五月間
節節開紫花南北隨處有之此草生二種白花者
不是於端午小暑或六月六日花正開時連根收
採透風處陰乾用時不犯銅鐵器以石臼搗羅為
細末每服一丸各照後開湯使下若量加木香全
當歸赤芍藥尤妙其藥不限丸數以病愈為度日
服三五丸或丸如梧桐子大每服五七十九熬膏

尤佳治法具後 熬膏法益母草不限多少依前
法採連根葉莖洗淨用石臼內搗爛以麻布濾取
濃汁入砂鍋內以文武火熬成膏如黑砂糖色為
度入磁罐內收貯每服用一茶匕極妙 胎前臍
腹刺痛胎動不安下血不止水煎秦芫糯米湯下
或當歸湯亦可 胎前產後臍腹作痛作聲或寒
熱往來狀如瘧疾者俱溫米湯下 臨產并產後
各先用一丸童便酒化下安寃定魄血氣自然調
順諸病不生又能破血痛養脈息調經絡功效不
能盡述 產後胎衣不下落在胞中及產前一切

產難橫生不順子死經日不下脹滿腹中心悶心
痛炒鹽湯下 產後中風牙關緊急半身不遂失
音不語童便無灰酒各半下 產後氣喘咳嗽胃
膈不利惡心口吐酸水面目浮腫兩脇疼痛舉動
失力者溫酒下 產後兩大陽穴痛呵欠心忪氣
短肌體羸瘦不思飲食血風身熱手足頑麻百節
疼痛溫米湯飲下 產後眼前黑暗血暈血熱口
渴煩悶如見鬼神狂言不省人事薄荷自然汁下
如無生者濃煎乾薄荷湯下或童便酒各半下
產後面垢顏赤五心煩熱或結成血塊腹臍奔痛

時發寒有冷汗者童便酒各半下或溫薄荷湯下
產後餘血惡不盡結滯腹臍刺痛惡物上沖心
胃滿悶童便溫酒各半下 產後未經滿月血氣
不通咳嗽四肢無力臨睡自汗不止月水不調久
而不治則為骨蒸之疾童便酒各半下 產後鼻
衄口乾舌黑童便酒下 產後大小便不通煩燥
口苦者薄荷自然汁下如無生者濃煎乾薄荷湯
下 產後痢疾米湯下 產後瀉血水煎棗湯下
產後赤白帶下煎膠艾湯下 血崩漏下糯米
湯下 勒奶痛或成癰為末水調塗乳上一宿自
差或生搗爛傅上亦可 婦人久無子息溫酒下
一丸服至一月決有效驗

小兒第三十九

治小兒初生口中有惡物纔生不候聲出急用軟帛
或綿裹手指蘸黃連甘草汁拭口中惡汁稍定更
以蜜少許調硃砂一字抹入口中鎮心安神解惡
物之毒一生免瘡痘之患此藥妊婦臨月宜預辦
之 治小兒生下即死急看兒口中懸癰在脰上
有泡以手指摘破用帛裹指拭血令淨若血入喉
即不可活 治小兒初生氣欲絕不能啼者必是

難產或胃寒所致急以綿絮包裹抱懷中未可斷
臍帶且將胞衣置炭火爐中燒之仍作大紙撚蘸
油點火著臍帶上往來燎之更以熱醋湯盪洗臍
帶須臾氣回啼哭如常方可洗浴了却斷臍帶
治小兒初生大小便不通腹脹欲絕者急令婦人
以溫水漱口吸咂兒前後項心并臍下手足共七
處每一處吮三五次漱口吸咂取紅赤為度須臾
自通不爾無生意有此證遇此法可謂再生 治
小兒初生遍身無皮但是紅肉宜速以早米粉乾
撲候生皮方止 治小兒臍腫先用荊芥水洗了

蔥葉一片火上炙過地上出火氣以指甲刮薄內
搭放腫處次日便消 治小兒面目黃赤氣息喘
急啼聲不出舌強唇青撮口皺面飲乳有妨用白
姜蚕二枚去嘴畧炒為末蜜調傅唇中 治小兒
初生不飲乳及不大小便用蔥白二寸破作四界
以乳汁於砂銚內煎灌之立効 治小兒吐乳田
中蚯蚓泥為末米飲調下 治小兒初生口禁不
開用赤足蜈蚣一條去足炙令焦細研為末每用
半錢以豬乳汁半盞和勻分三四次灌之 治小
兒吐不定用五倍子二箇一生一熟甘草一根用

濕紙裹煨共為末米汁調下半錢 治小兒重舌
急證用指去爪先於舌下筋上擦至根漸深擦入
如此三次又以指蘸水取項後燕窠小窟中筋自
上趕下至小窟深深擦入亦三次小兒若飲乳勝
前則病去矣 又方用針刺出惡血即愈 又方
治小兒木舌用黃蜀葵花研細黃丹半之同研點
七次 治小兒鵞口不能乳用地雞研水塗地雞
即扁虫人家磚中多有之 治小兒口瘡用吳茱
萸末醋調貼兩脚心移夜即愈 又方用生白礬
為末水調攤紙上貼脚心方貼上再以水濕之

治小兒牙疳用白礬裝於五倍子內合燒過為末
傳 治小兒諸執驚癇用青黛末研服 又方用
蜂窠大者水煮浴兒三四次 治小兒卒驚似有
痛處而不知用雄鷄血滴兒口中 又方用燕窠
中糞煎湯洗浴 又方治小兒驚啼用亂髮燒灰
酒調服 治小兒夜啼燈草燒灰傳乳上與喫燈
花尤妙 治小兒喫黃土用乾黃土研細煎黃
連和為餅服 治小兒寸白虫用酸石榴東引根
二兩糯米三十粒水一碗煎空心服須泄瀉神效
治小兒頭上瘡及浸淫瘡并急疔瘡用芝麻生

嚼塗 治小兒甜瘡多生於面部兩耳前令母口中嚼白米成膏子臨臥塗之不過三五次愈 治小兒眉煉頭瘡用小麥不拘多少燒令黑色存性為末以小油調傅之 又方用銚針刺出血一刺不愈再刺之三刺則愈矣 治小兒火丹從背上起頭上起者用慎火草搗汁傅上慎火草即瓦蔥 又方用針刺紅處出惡血或用寒水石為末油調傅之 効 治小兒臙脂火丹用草麻子去皮研爛并綉鐵磨水於紅處周圍圈之候乾再隨處圈塗之 治小兒丹毒用竈中對鍋底焦土研細以新汲水

調塗乾即易之効 治小兒痘疹要方名兔血丸 臘月八日採生兔一隻取血以蕎麩和之少加雄黃四五分候乾成餅凡初生小兒三日後如菜豆大者與二三丸乳汁送下遍身發出紅點是其徵驗有終身不出痘疹者雖出亦不甚稠密也嬰兒已長成會飲食者就以兔肉啖之尤妙或云不必八日但臘月兔亦可然終不若八月八日為佳也 治小兒痘瘡出不透腹痛甚或黑靨者用蟬蛻一十五箇去翅足淨洗為末每服一錢熟水調下腹痛立止而出透乳母亦可服一錢 又方用乾

棠毬為細末湯點服立見出透紅活荔枝殼煎湯服亦可 治小兒痘瘡陷入不發黑色氣欲絕用川山甲湯洗淨炒令焦黃為末每服半錢熱蘇煎湯入老酒少許服之 又方治痘瘡倒陷用臘月內收人中白即馬桶內尿放通風處以火煨成燥不調三五錢服 又方用胡桃一箇燒存性乾臙脂三錢為末用胡荽煎酒調下一錢 治小兒痘瘡初出光壯忽然黑陷心煩燥急氣喘妄語如見鬼神用人牙齒燒存性為末每箇作一服酒調下 治小兒痘瘡入眼或病後生翳障用蟬蛻洗淨去

土白菊花各等分為散每服二錢入蜜少許水一盞煎乳食後量兒大小與服之屢驗 又方用兔屎焙乾為末茶調下瘡疹安後方可多服仍治昏翳 治痘瘡入眼痛楚恐傷眼睛用浮萍陰乾為末每服三錢隨兒大小以羊子肝半箇入盞內以竹簽刺碎爛投水半合攪取汁調下食後服不甚者一錢差已傷目者十服差 治小兒痘瘡爛成片用黃牛屎乾傳膿多痛甚者乾淨黃土傳之瘡遍口中不能食者蜜浸黃柏取汁啖之凡瘡欲成痂類以麩油乳酥清蜜潤之可揭即揭血出無

害若乾硬已久入成癥痕 治小兒痘瘡爬搔成
瘡膿血淋漓用多年蓋屋爛草或蓋墻草不拘多
少曬乾為末乾糝無時若渾身瘡破膿血不絕粘
沾衣服難以坐臥可多用攤於席上令兒坐臥即
乾 治小兒痘瘡出後有餘瘡塞鼻中不能睡起
用木筆花研為末加麝香少許蔥白蘸藥入鼻中
數次通 治小兒痘瘡愈後瘡痂雖落其色黯或
凸或凹用白蜜不拘多少塗於瘡上其痂易落且
無疤痕亦不腥穢 治小兒痘瘡後身體及肢節
上生癰蝕瘡膿水不乾用出蚕蛾綿繭不拘多少

用白礬搗碎塞入繭內令滿以炭火燒候白礬汁
乾取出研細乾糝瘡上若不早治則潰筋骨以致
難治 治小兒客忤口吐青黃白沫水穀鮮進面
色變易喘息腹痛狀似驚癇但哭不止視其口中
懸癰左右若有小小腫核即以竹針刺破之或以
指爪甲爬破急以醋炭降真香皂莢燒燻又以竈
中對鍋底焦土蚯蚓糞各等分為末水調塗頭上
及五心敷之 治小兒腦後項邊有核如瘰癧狀
按之轉動軟而不疼名附骨疔毒無治諸疔一服
虛熱退二服渴止三服瀉痢止用蟾蜍一枚又名

夏月藥中取腹大不鳴不取糞缸內蛆虫一杓置
跳者其身癩磊多者是是桶中以尿浸之桶上嬰蓋不與虫走將蟾蜍殺之
放在虫中任與虫食一日夜次以新布袋盡包繫
定置之急水中浸一宿取出瓦上焙為末入麝香
一字粳米飯搽丸如麻子大每服三十九米飲下
治附骨痒項後有核其間有虫如米粉不速破
之則虫流散蝕臟腑以致肢體作癰瘡便利膿血
虛熱羸瘦氣血虛憊治法刺破其核膏藥貼之則
愈 治小兒久患痒熱體虛不食及病後天桂骨
倒用白姜蚕為末三年兒半錢薄荷酒調下 治

小兒痒後虛熱小便腫用韭菜地上蚯蚓屎火煨
以碗合地上出火氣為末清油調傳 治小兒無
毒遊腫用破草鞋亂髮燒灰醋調傳上 治小兒
月蝕耳痒瘡用胡粉和東方壁土為末傳 又方
用蝦蟆燒存性為末豬脂調傳 治小兒口角爛
瘡用亂髮燒灰為細末豬脂和傳燕窠泥亦妙
治小兒耳邊鼻下赤爛用黃丹二錢煨令赤色菜
豆粉一錢白礬一錢飛過研細乾傳瘡上唾調亦
可 治小兒卒得癩瘡用赤爛牛糞燒灰研細傳
上 治小兒顛門陷下不平滿用黃狗頭骨炙黃

為末鷄子清調傅 治小兒頭骨縫開不合名曰

解顱用蛇蛻炒焦為末用豬頰骨中髓調傅頂上

日三四次 又方用驢頭骨不拘多少燒灰研細

以清油調傅頭縫中 治小兒牙齒不生用雄鼠

糞二十一粒兩頭尖者是也每日用一粒揩齒根

上至二十二粒當生 治小兒頭上軟癬用大枳

殼一枚去穰令空磨令平口以稠麪糊捺四唇粘

在癬上自破膿溜出盡更無癩痕 又方用枯白

礬為末清油調傅亦効 又方用桃樹上不落乾

桃子燒灰清油調傅 又方用茄子切半箇看瘡

大小剗空週圍用醋調生麪糊塗貼 治小兒脫

肛用草麻子四十九粒研爛水調作餅子貼頂上

立効 又方用蔥湯洗令軟芭蕉葉托上 又方

用浮萍草不拘多少杵為細末乾貼患處 又方

用新磚一片燒紅以醋澆之即用脚布疊數重壓

定使熱氣上透不可過熱令病者以醫坐於布上

如覺布溫逐旋減之以常得溫熱為度 治小兒

遺尿用鷄肫腸一具燒存性豬尿胞一箇炙焦為

末每服一錢酒調下男用雌雞者女用雄雞者

治小兒陰囊忽腫多因坐地上為風濕或虫蟻吹

著用蟬蛻半兩水一碗煎湯洗腫處其腫痛立止
再溫再洗 又方治小兒卵腫研桃仁唾調傳
治小兒疝氣腫硬用蚯蚓不去土曬乾為末唾津
調塗患處 又方用古鏡煮汁服亦治小兒驚邪
諸惡疾 治小兒腹脹用韭菜根搗汁和豬脂煎
服

急救良方卷之二終

